

黃氏逸書考

海東先生集

懼天下私議也敦曰君能保無變乎對曰鯢
近日入覲主上側席遲得見公宮省穆然必
無不虞之慮公若入朝鯢請侍從敦曰正復
殺君等數百何損於時遂不朝而去世說規箴篇注
鯢隨王敦下入朝見太子於東宮語及夕太
子從容問鯢曰論者以君方庾亮自論孰愈
對曰宗廟之美百官之富臣不如亮縱意邱
壑自謂過之世說品藻篇注

庾顗

庾顗字子嵩潁川人侍中峻第三子恢擴有
度量自謂是老莊之徒曰昔未讀此書意嘗
謂至理如此今見之正與人意暗同仕至豫
州長史

世說文學篇注

顗頽然淵放莫有動其聽者

世說賞譽篇注

顗爲太傅從事中郎

世說同上

顗永嘉中爲石勒所害先是顗見王室多難

知終嬰其禍乃作意賦以寄懷

世說文學篇注

初士澄有通朗稱而輕薄無行兄夷甫有盛

名時人許以人倫鑒識嘗爲天下士目曰阿
平第一嵩第二處仲第三顗以澄敦莫己若
也及澄表敦敗顗世譽如初

世說品藻篇注

王澄

王澄爲荊州羣賊並起乃奔豫章而恃其宿
名猶陵侮敦敦使勇士路戎等搃而殺之

世說

方正篇注

潘滔

潘滔字陽仲滎陽人太常尼從子也有文學

才識永嘉末爲河南尹遇害

世說鑒識篇注

敦爲太子舍人與滔同僚

世說同上

桓溫

溫以永和二年率所領七千餘人伐蜀拜表

輒行

世說言語篇注

庾亮

庾亮字元規潁川鄢陵人明穆皇后長兄也淵雅有德量時人方之夏侯太初陳長文之倫侍從父琛避地會稽端拱巖然郡人嚴憚

之接之者數人而已累遷征西大將軍荊州

刺史

世說德行篇注

文選庾元規讓中書

蘇峻作逆詔亮都督征討戰於建陽門外王

師敗績亮於陳攜二弟奔溫嶠

世說雅量篇注

是時成帝在襁褓太后臨朝中書令庾亮以

元舅輔政欲以風軌格政繩御四海而峻擁

兵近甸爲逋逃藪亮圖召峻王導卞壺並不

欲亮曰蘇峻豺狼終爲禍亂晁錯所謂削亦

反不削亦反遂下優詔以大司農徵之峻曰

庾亮欲誘殺我也遂克京邑平南溫嶠聞亂
號泣登舟遣叅軍王愆期推征西陶侃爲盟
主俱赴京師時亮敗績奔嶠人皆尤而少之
嶠愈相崇重分兵以配給之

世說假譎篇注

庾冰

庾冰字季堅太尉亮之弟也少有檢操兄亮
常器之曰吾家晏平仲累遷車騎將軍荊州
刺史

世說方正篇注

初顯宗臨崩庾冰議立長君何充謂宜奉皇

子爭之不得充不自安求處外任及冰出鎮武昌充自京馳還言於帝曰冰不宜出昔年陛下龍飛使晉德再隆者冰之勲也臣無與焉

世說同土

庾翼

翼率衆入沔將謀伐狄旣至襄陽狄尙强未可決戰會康帝崩兄冰薨留長子方之守襄陽自馳還夏口

世說排調篇注

何充

何充字次道廬江人思韻淹通有文義才情
累遷會稽內史侍中驃騎將軍揚州刺史贈
司徒

世說政事篇注

何充與王濛劉惔好尚不同由此見譏於當
世

世說同上

充所暱庸雜以此損名

世說品藻篇注

充導妻姊之子明穆皇后之妹夫也思韻淹
濟有文義才情導深器之由是有美譽遂歷
顯位導有副貳已使繼相意故屢顯此旨於

上下

世說賞譽篇注

何充性好佛道崇修佛寺供給沙門以百數
久在揚州徵役吏民功賞萬計是以爲遐邇
所譏充弟準亦精勤惟讀佛經營治寺廟而
已矣

世說排調篇注

蘇峻

峻率衆二萬濟自橫江至於蔣山王師敗績

世說方正篇注

蘇峻自姑孰至於石頭逼遷天子峻以倉屋

爲宮使人守衛世說容止篇注

任讓

讓樂安人諸任之後隨蘇峻作亂世說政事篇注

匡術

匡術爲阜陵令逃亡無行庾亮徵蘇峻術勸峻誅亮遂與峻同反後以宛城降世說方正篇注

賈寧

寧字建寧長樂人賈氏孽子也初自結於王應諸葛瑤應敗後遊吳會吳人咸侮辱之聞

京師亂馳出投蘇峻峻甚暱之以爲謀主及
峻聞義軍起自姑孰屯於石頭是寧之計峻
敗先降仕至新安太守

世說賞譽篇注

王述

述少貧約簞瓢陋巷不求聞達由是爲有識
所重

世說賞譽篇注

述體道精粹簡責靜正怡然自足不交非類
雖羣英紛紛俊乂交馳述獨蔑然曾不羨慕
由是名譽久藎

世說同上

荀羨

荀羨字令則潁川人光祿大夫崧之子也清和有識裁少以主婿爲謝馬都尉是時殷浩參謀百揆引羨爲援頗蒞義興吳郡超拔北中郎將徐州刺史以蕃屏焉

世說言語篇注

杜乂

杜乂字弘治京兆人祖預父錫有譽前朝乂少有令名仕丹陽丞蚤卒成帝納乂女爲后

世說賞譽篇注

褚裒

褚裒字季野河南陽翟人祖碧安東將軍父
治武昌太守裒少有簡貴之風沖默之稱累
遷江州刺史贈侍中太尉

世說德行篇注

裒簡穆有器識故爲藝所重也

世說賞譽篇注

充之卒議者謂太后父褚裒宜秉朝政裒曰
丹徒入朝吏部尙書劉遐勸裒曰會稽王令
德國之周公也足下宜以大政付之裒長史
王胡之亦勸歸藩於是固辭歸京

世說言語篇注

謝尚

謝尚字仁祖陳郡人鯁之子也齟齬喪已哀
慟過人及遭父喪溫嶠唁之尚號叫極哀既
而以涕告訴有異常兒嶠奇之由是知名仕
至鎮西將軍豫州刺史

世說言語篇注

尚率易挺拔超悟令上也

世說尚譽篇注案

尚性通任善音樂

世說仕誕篇注又容止篇注引尚喜音樂

郗愔

大司馬將討慕容暉表求申勸平北將軍愔

及袁真等嚴辦愔以羸疾求退詔大司馬領
愔所任

世說捷悟篇注

殷浩

浩喜以通和接物也

世說賞譽篇注

初浩以中軍將軍鎮壽陽羌姚襄上書歸降
後有罪浩陰圖誅之會關中有變苻建死浩
僞率軍而行云修復山陵襄前驅恐遂反軍
至山桑聞襄將至棄輜重馳保護襄至據山
桑焚其舟實至壽陽畧流民而還浩士卒多